

# Kalaallit ilinniartut Qallunaat Nunaanni Højskolertut

## - Suut aqqutigalugit ilinniartuusinnaaneq aammalu kikkut akilersorpai?

Kalaallit ilinniartut Qallunaat Nunaanni højskolertut assiginngitsunik tunuliaquteqartarput aammalu assiginngitsuniit akilersorneqartarlutit.

Uani eqqartorneqarput tunuliaqutit assiginngitsut sisamat, qanorli iliorluni akiliisoqartarneranut.

1. Majoriami ingerlatitsivik aqqutigalugu højskolerneq

2. Nuiki aqqutigalugu højskolerneq

3. Ilinniartuq nammineq højskolertuq

4. Inunnik ikiuineramik ingerlatitsivik aqqutigalugu højskolerneq

Qulaani pineqartut maannakkut Kalaallit Nunaani inuiaqatigiit akornanni pisimasuupput. Kisialli aamma ima inissisimasoqarsinnaavoq, kalaaleq Qallunaat Nunaani najugalik højskolerusulluni allatsissimalluni nalunaarsimasoq. Taanalu inuk nammineq kissaatiminik taammaaliornerusarpoq. Aamma kalaaleq taannaasinnaavoq Qallunaat Nunaanni Inunnik ikiuineramik ingerlatitsivik aqqutigalugu højskolernissaannut allatsissimagaat. Sumi Nunami attaveqaateqarneq aalajangersakkat Kalaallit Nunaannut attuumasuteqarneq ukiut marluk inatsisitigut iluaniippoq, tassani pineqarpoq Inunnik ikiuinermut, ilinniartitaanermut imaluunniit isumassorneqarnermut najugaqalersimaneq, taammaamat tamakkuninnga naapitaqartilluta, højskolip sullissisui ugartortariaqassavaat qinnuteqartoq sumi pissuteqarluni attuumasuteqarneranut imaluunniit tunuliaquteqarneranut.

**Una allaaserisaq siunertaraa takutissallugu/ paasititsiniutiginarlugu Kalaallit ilinniartut Qallunaat Nunaanni højskolertartut assiginngitsunik tunuliaquteqarsinnaammata aammalu assiginngitsuniit akilersorneqarsinnaanerat. Allakkiaq immikkuullarissumik qallunaat højskooliit sullissisui naatsorsuutaaneruvoq.**

**Uani 1. Majoriami ilinniartut Danmarkimi højskolernerannut ingerlatamut paasissutissiinerussaagut.**

Naggataatigut **aningaasaateqarfiit, ikiorsiisutit** (Fond-it) qinnuteqarfigineqarsinnaasut højskolertunut, qinnuteqarusuttunulluunniit saqqummiunneqassapput.

**1.**

**Majoriami ingerlatitsivik aqqutigalugu højskolerneq**

**Sullinniakkat:**

Pingasunngorlugu inissisimasoqartarnera taakkartorneqassaaq, qanoq ilinniartuusut Majoriami atuisarnerut.

1. Inuusuttut, højskolimut qinnuteqaqqajuttarput arlaannik piginnaanngorsarniarlutit iliuusissamik pilersaarusaqarlutit siunertaralugu kingorna ilinniaqqinnissaq imaluunniit sulilernissaq. Iliuusissamik pilersaarut imaqassaaq Qallunaat Nunaani højskolernissaq.

Majoriami sullissisut naliliiniarnerminik, taannalu pingaartuusooq, iliuusissamik pilersaarummik oqaloqatiginerisigut suliaqarnermik paasisutissanik ilanngunneqarsinnaavoq sumi pineqartoq arlaani ingerlataqarsimanersoq soorlu siornatigut FA – simaneranik, sungiusarluni sulisimanerani. Aammattaaq sullinniakkat akornanni qinnuteqaateqartoqarsinnaavoq ilinniartut ilinniarnertuunngortareersimallutit, kisialli soraarummernermik angusat naammannatit ilinnialeqqinnissamut aammalu piginnaasat qaffarsarnianeratigut amigaataasimappat, aaliangersimasumik ilinniagaqalerusulluni højskolerniarnissaq qinnuteqaat akuerineqarsinnaavoq. Qulaajaaniarnissamut, oqaloqatigiinnertalimmik ingerlatitsisoqassaaq aamma naggataatigut inaarutaasumik Majoriap allattoqarfianiit aalajangiinertalimmik toqqaasoqassalluni.

2. Inuusuttut ilinniakkamik ingerlataqartut, kisialli ingerlariaqqinnissamut ilinniakkaminut naammassinissamut pisariaqartitsisut; tassani iliuusissamik pilersaarutaa” Siuariarnermik imaqassaaq”. Inuusutissarsiummik ilinniartuusinnaavoq imaluunniit GUX-mi ilinniarnertunngorniarluni atuarsimasinnaalluni. Højskolerniarluni innersuunneqassaaq GUX-mi ilinniartulerisut, aqutissiuisooq, imaluunniit ilinniartup sungiusarfiata ingerlatitsitsisuniit. Pineqartoq ilinniarnerninik sulingiffeqartariaqassaaq højskolernerninik, taavalu ilinniarnini ingerlateqqittariaqarlugu kingorna.
3. Ilinniartooq, ilinniakkaminik unitsitsisimasooq, iliuusissamik pilersaarusiaminut aaliangiisimasooq højskolereeruni ilinniaqinniarluni.

Pinngitsoorani ilinniartooq qulaajaaniarnissamut Majoriamiit oqaloqatigineqaqqaassaaq, massa aqutissiuisuniit allaniit innersuunneqarsimagaluartorluunniit. Aammattaaq naggataatigut inaarutaasumik Majoriap allattoqarfianiit aalajangiinertalimmik toqqaasoqassalluni. (suleriaatsit nassuiaataat malillugit)

Majoriaqarfinni, qinnuteqartoq Højskolernissaminut tapiiffigitinnissamut qinnuteqaatimik, bilaaginillu tunniussisimassooq aammalu qinnuteqartoq aalajangiisartoqatigiinnit naliliiffigitissimasooq, qinnuteqartoq malittarisassat kissaatigineqartut inissisimanissaannut avataaniittoq, iliuusissamik pilersaarummik sananeqarnissaannut naleqqussorinngisaq, tassa inuttaasooq qinnuteqarsimasooq højskolernissaminut piareersimanngitsutut isumaqarfigisaq, qinnuteqarnerminik allakkatigut itigartinneqassaaq.

**Højskolernissamut allatsinneq.**

Qinnuteqarniaq højskolernissamut allatsinnera Majoriaq peqatigalugu qinnuteqarniarluni qarasaasiakkut allaffissaq immersoqatigissavaa taannalu højskoli toqqarniakkamut pissaaq.

Qaarasaasiamik immersuiffissaq immikkut oqaaseqarfiusinnaasumik immersuiffeqarpat nalunaarutigineqassaaq najukkami Majoriaq qinnuteqartoq højskolernissaa akilerumagaa aammalu ilinniartup tapisiaa højskolertussamut atugassatut akuerigalugu.

Piffimmik tassani Majoriap allattoqarfia højskolimut emailikkut nalunaarutigissavaa højskolerniaq atuarnissaannut akiliukkumallugu.

**Aningaasalersorneqarnera:** Højskolimi najugaqarneq, atuarneq, nerisaqarneq aningaasalersorneqarpoq ilinniartup tapisiaanniit (4.400,00 kr) aamma ilinniartup tapisiaat saniatigut 2.480 kr (ISN) namminersorlutik oqartussani suliffeqarnermut Naalackersuisoqafimmiit Højskoolit qaammatit tamaasa tapeqqinneqartarput. Saniatigut aningaasanik timmisartumut utimut bilitsi ujartorneqartariaqassapput. (Kommunimi tapertinneq imaluunniit nammineq billetsit akilerlugu).

Paasisutissat allat takusiuk uumma ataani [www.sullissivik.gl](http://www.sullissivik.gl) **Danmarkimi højskolit** ataani .  
( Ujaasiffissami allaguk aamma una aqqutigalugu [www.iserasuaat.gl](http://www.iserasuaat.gl) **Majoriaq** ataani/ Majoriaq aqqutigalugu højskolerneq.

## 2.

### **Nuiki-kkut aqqutigalugu højskolerneq (Nunaqarfinni ilinniartitaanermik kivitsineq)**

#### **Sullinniakkat:**

NUIKI tassaavoq Nunaqarfinni innuttaasut arlaatigut piginnaanngorsarneqartarnerat, taannalu Nunaqarfinni ingerlanneqartarpoq, amerlanerpaatsigut ukiumut ataaseriaq imaluunniit marloriaq pisinnaasarluni.

Tassunga atatillugu holdit marluk inuusuttut 15-niullutit Qallunaat Nunaannut angalanerit paasiniaallutit angalanerit ullut 14-taninik sivilisulimmik pisarput .Tassani Vraa Højskoli atorineqakkajuttarpoq. Højskooli najugaqarfittut aallaavigalugu, allanut ilinniarnermi takusassarsiornerit ingerlanneqartarpoq. Taassuma saniatigut ilinniartut nuannaarutigilluartarpat højskolimi " Ulluinnarsiutaasartut" peqataaffigigaangamikkit, tassani inuusuttut nunani allaniit pissutsinik assigiimmik misilittaqtartut naappittaramikkit.

Nuiki-mi paasisassarsiornerit avataani, angalasareernermi, periarfissaqarpoq inuusuttut sisamat Qallunaat Nunaanut sivilisinerusumik Højskolersinnaaneq Nuikip sullissisui isumaqarunik ilinniartut siunissaminut ilinniaqqinnissaminut piukkunnaateqassappat. Højskolernerit taakku **aningaasalersorneqarput** NUIKI aqqutigalugu **(Namminersorltik Oqartussat ISN).**

**Attaveqaatit** : Palle Lennert, emaili: pl@nuiki.gl aamma Jimmy Hymøller, emaili: jh@nuiki.gl Inuusuttuaqqat ingerlariaqqinnissaannut siunnersortit Naalackersuisuniit .

## 3.

**Ilinniartuq nammineq højskolerusulluni, namminerlu akilersorlugu.**

**Sullinniakkat:** Kalaaleqarpoq inuussuttunik arlariinnik, Qallunaat Nunaani Højskoolinut nammineq Højskolertartunik, nammineq højskolernissamut allatsittunik aammalu nammineq akileeqqataasunik.

Taakkuusinnaapput Majoriaq aqputigalugu qinnuteqarsimagaluarlutit, kisialli arlaatigut itigartinneqarsimallutit.

Taakku qinnuteqarsimagaluartut imaluunniit højskolimi aallartereersimallutit uunnga qinnuteqarsinnaapput Naalagaaffeqatigiinermi aammalu Nuna Avannarliit aningaasaateqarfianut qinnuteqarsinnaapput. Takuuk nittartakkami ilitersuut [www.hojskolerne.dk](http://www.hojskolerne.dk) aqputigalugu.

1. Qallunaat Nunaannut qinnuteqarsimasut, **Majoriaq avaqqullugu** qinnuteqarsimasut. Taakkuusinnaapput soqutiginnissimallutit, arlaani tusagassiitikkut højskolernissamut neqeroorutimik takunnissimasut, qinnuteqarsimallutit aammalu GCDH-mut saaffiginnissimallutik taavalu højskolimut aaliangersimasumut nammineq qinnuteqarlutit. Qallunaat nunaani højskoli qinnuteqartoq allakkatigut akissavaa apersorlugu qanoq højskolerniarnertit nammineq akilerusussaneraat imaluunniit nunagisamik Majoriamut innersuunneqarsinnaassasoq.

Qinnuteqartoq innersuussuteq atorsimaguniuk, kisialli Qallunaat Nunaannut højskolernissamut aningaasaliinissamut Majoriap itigartissappasuk, pinngitsoorani qinnuteqartoq Højskolimut qinnuteqarfigisaminut kallerriisariaqassaaq itigartitaasimanini imaluunniit akueritissimalluni.

Inuttut nammineq isumaqaruvit højskolernissat piareersimaffigalugu aqputit/ periarfissat allat atorlugit tapiisutinik assiginngitsunik qinnuteqarsinnaavutit.

Inuusuttut suli 19-nileereersimannngitsut, meeqqat atuarfiat qimareerlugu, inuunermik uninngaffeqarusullutik, kisialli suli nalullugu suniarnertit aammalu ilinniakkamik/ piginnaangorsarnermik ingerlataqanngitsut, suli Qallunaat Nunaannut efterskolernissamut qinnuteqarsinnaapput. Illit nammineq akisussaaffigivat højskolernissannut qinnuteqassallutit aammalu periarfissaasinnaasut tapiiffigitinnissamut qinnuteqaatit nammineq isumagisussaallugit.

## 4.

### **Inunnik ikiuineramik ingerlatsivik aqputigalugu højskolerneq sullinniakkat:**

Kommuuni ilaani Inunnik isumaginnittoqarfiit Nunatsinneersut atortalerpaat akueralugu inuusuttut Qallunaat Nunaani højskolernissaq.

Taammaammat pingaartuuvoq højskooli arajutsissanngikkaa højskoolimi ilinniartunngortussaq ilumut allatsissimansoq/ aammalu akuerineqarsimasoq Kommuunip isumaginnittoqarfianiit aammalu maluginiassammagu Majoriaq aqputigalugu højskolinnngitsoq.

Sullinniakkat: Inuusuttut Qallunaat Nunaani højskolinut allatsissimasut, taakkuli inunntut ataasiakkaannut suliassanngorsimalluni inissimasut (assersuut inuusuttuaqqanut højskolimi najugaqartinneqartut).

**Aningaasalersornera:** Meeqqanut, Inuusuttunut Ilaqutariinnullu Naalackersuisoqarfimmiit imaluunniit Kommuunip Inunnik ikiuineramik Ingerlatsivianiit.

Aamma inuusuttoqarpoq, pisoqavillutik Qallunaat Nunaani najugalersimasut, tasanilu Qallunaat Nunaani højskoli kalerrinnegarsimallutit Kalaallit Illuaniit, inunnik ikiuinermik ingerlatsivimmiit tunuliaqutegarlutit, tassunga atatillugu højskoolip sullissisui majoriaqarfiinnut imaluunniit GCDH-mut kalleriutiginegarlutit.

Imaasinnaavog arlaa Qallunaat Nunaani adreseqalersimasog, arlaanilu ingerlataqarsimalluni, qanittukkullu ilinniakkaminik unitsitsimasog. Sumi nunami attaveqaateqarneq aalajangersakkat Kalaallit Nunaannut attuumasuteqarneq ukiut marluk inatsisitigut iluaniinera, soorlu uku eqqumaffigineqassapput **inuttut atugarisat, ilinniarnernut aammalu isumassorneqarluni najugaqarnissaa**. Taammaammat Majoriaqarfik pineqartog qanog inuk inissinneqarnissaa isummerfigisariaqassavaa.

Inuusuttut, arlaatigut inuttut nammineq Qallunaat Nunaannut nuusimasog, Qallunaat Nunaani aaqqissukkamik susasaqarfiinnut qinnuteqassapput.

\*\*\*\*\*

## **Aningaasaateqarfiit periarfissaasinnaasut allat:**

Qulaanittut allatat saniatigut periarfissaqarpoq aningaasanik højskoolimut atugassanut qinnuteqarfigisinnaasallugit:

A. Naalagaaffeqatigiinnermi aningaasaateqarfik højskolertunut atugassaq

**Attaveqaat/Saaffigisassaq : Folkehøjskolernes Forening i Danmark (FFD nittartagaq [www.hojskolerne.dk](http://www.hojskolerne.dk) ( Qallunaat Nunaani Højskoolit Peqatigiiffiat) Linki : <https://ffd.dk/elevstoette/rigsfaelleskabets-hoejskolestipendium>**

B. Nuna Avannarliit aningaasaateqarfiat højskolertunut atugassaq.

**Attaveqaat/Saaffigisassaq : Folkehøjskolernes Forening i Danmark (FFD nittatagaq [www.hojskolerne.dk](http://www.hojskolerne.dk) (Qallunaat Nunaani Højskoolit Peqatigiiffiat) Linki: <https://ffd.dk/elevstoette/nordisk-hoejskolestipendium>**

C. Piorsarsimassuttikkut/kulturikkut legati imaluunniit nammineq kommuunerisamik ingerlatsivik aqqutigalugu tapiissutinik qinnuteqarneq, assersuutitut Kulturimut, Sunngiffimmut Ingerlatsivik aqqutigalugu tapiissutinik qinnuteqarneq.

Inuusuttut suli 19-taninik ukioqanngitsut, aammalu meeqqat atuarfianni ingerlariaqqinninnissaminut utaqqilaarusuttut aammalu suli siunissamut nalorngillutik

suniarnerminik, sulilu ilinniakkamik imaluunniit piginnaanngorsarnissaminut aallartisisimangitsut, sulil Qallunaat Nunaannut efterskoolinut qinnuteqarsinnaapput.

Illit nammineq akisussaaffeqarputit efterskolernissannut qinnuteqarnissat aammalu aningaasalersornissaannut periarfissanik ujartuinissat.

## **Qallunaat Nunaani Højskolerneq ilinniartitaanerit:**

2019-miit højskolini ukunani, Højskole Snoghøj, timersornermi højskole Århusimiittoq, Inuusuttut højskolianiit Ribe eqqaaniittumik aammalu Vrå Højskolimi **annertusakkamik ilinniartitaaneq ilinniartitsisutiqeqarpoq**. Aaqqissuusaq taana aamma Kalaallit nunaanersunut atorneqarsinnaavoq.

**Qallunaattut ilinniarneq:** Sulissutigineqassaaq Qallunaatut oqaasii oqaluttariarsornermik allattariarsornermullu, oqaatsip naanilersornera, oqaasilerinerlu ilinniartuq piginnaasai aallavigalugit.

**Matematikkimi ilinniarneq:** Sulissutigineqassaaq Kisitseriaatsit tunngaviusut sisamat ilinniartuq piginnaasai aallavigalugit.

Ilinniartuq sumi killiffeqarnersoq qallunaat oqaasiinik, matematikkimilu naliliiffigitissaaq / killiffissiorneqassaaq aallartisaanermi, naammassinermilu.

Pikkorissarneq tamanoortuuvuq, sapaatip akunneri pingasut aasaanerani højskolerluni ingerlanneqartartuq ”Annertusakkamik ilinniartitaaneq højskoleitigaluni”. 4.500,00 kr-neqarpoq pikkorissarnissamat akiliutaasartuq.

Akia 4.500 kr. aningaasaateqarfimmiit satspuljemiit pilersinneqarnikuupput. Ilinniartuq aningaasat taakku pissarsiarissaguniuk, ilinniartuq qinnuteqareersimassaaq aammalu højskole ilinniartuq akuerisariaqassavaa sumi, suna faagit taakku ilinniarusullugit.

Immikkut pisoqarnerani aammalu immikkullu piviusumik naleqquttumillu, naliliinikkut ilinniartup akiliutissaa ilai tapiissutitut qinnutigineqarsinnaavoq. Ilinniartup akiliutissaa appartinneqarnissaannut atuarfigisassaminut kissaatigisimasaminut qinnuteqassaaq.

**Pikkorissarnissamat ilaanissaq aningaasat qinnuteqaatiginngikkaluarlugit. appartinneqarnissaannut.**

Suliniut satspulje-niit tapiiffigineqartarput, taammaasilluni nammineq akiliutissaaq 4.500 kr-pinnorsinnaasimavoq. Ilinniartuq sapaatit akunnerit pingasut pikkorissarusulluni kissaatigisimappagu, kisialli aningaasalersornera akueritinnagu, pikkorissarnerup akia tamaat 11.000 kr.-niussaaq pikkorissarnerit sapaatip akunnerit pingasut tamakkerniassaguniuk. Naatsorsuutigisariaqassavat nammineq angalanissat akilertariaqassagit imaluunniit kommunerisamik Ingerlatitsivik aqqutigalugu tapiissutinik qinnuteqarlutik.

## **Inuusuttut innarluuteqarlutik suussusersornikut**

Inuusuttut innarluummik suussusilersorneqartut periarfissaqarput immikkut nammineq tapertatut ilinniartitsisoqarnissaat, tunngavilersorneqaruni ilinniartut allatuulli ilinniartoqatitit assinganik ilinniartitaanermik pissarsiaqassagunik. Tassani qanoq utoqqaassuseqarneq pineqanngilaq/ apeqqutaangilaq, taammaallaat suna innarluut suussusilersornera apeqqutaanerulluni. Suussusilersorneqarsinnaasimappat aammalu piumasaaqateqarpat tapersersortariaqartoq, højskooli Kultureqarnermut aqutsisoqarfik (DK) naliliineranik tapersersortimik ilinniartitsisumik akunnerit amerlassusillit qinnutigineqassapput. Ilinniartitsisumik atorfinitsisoqassaaq inuusuttoq ikorfartorneqarnissaannut. Kalaallit Nunaanniit (ukiut ingerlanerani ilinniartut 6-7 -t immikkut ilinniartitsisoqartarsimapput, nakorsap suussusilersorneranik atatillugu pisimapput.)

Kalaallit, højskolinut Qallunaat Nunaanni atuariartut MENTOR-eqarsinnaanngillat.

**GIF, Kalaallit Nunaanni Timersoqatigiit Kattuffiat (tassani højskolinut tapiisarneq 2015-mi unisinnerpoq.)**

**Suliniut:** Qallunaat Nunaani timersorluni højskoolit GIF-miit tapiiffigineqarunnaarnikuupput, aningaasartuutit taakku atorineqartarsimasut GUX- Nuummiittumik, ukiuni sisamanik ingerlanneqartumut Timersornermik sammiveqarluni ilinniarnermut atugassatut ikkunneqaramit .